

摘藻堂四庫全書薈要

集部

欽定四庫全書薈要

御選歷代詩餘卷三十三目錄

五十六字

南鄉子

馮延巳

前調

又一體

馮延巳

晏幾道

四首

張先

三首

蘇軾

十一首

黃庭堅

三首

秦觀

陳師道

四首

李之儀

四首

葛勝仲

三首

謝逸

周邦彥

五首

呂渭老

二首

向子諲

蔡伸

葉夢得

二首

趙師俠

吳億

曾覲

程垓

辛棄疾 四首

朱熹

趙彥端 三首

陸游 二首

陳亮

黃機

王炎

洪咨夔

汪莘

方千里

楊澤民

黃昇  
二首

潘枋

蔣捷  
二首

張炎  
四首

孫惟信

葛長庚

二首

鄭文妻

張弘範

趙孟頫

劉因

曹伯啓

張翥

二首

倪瓚

張埜

劉基

楊基

駱文盛

吳子孝

六首

文徵明

沈周

黃正色



王衡

顧士林

張草

馮鼎位

御選歷代詩餘卷三十三目錄

欽定四庫全書薈要卷二萬七百十一集部

御選歷代詩餘卷三十三

五十六字

南鄉子

又一體雙調

五十六字

南鄉子

馮延巳

細雨泣秋風金鳳花殘滿地紅  
閒蹙黛眉慵不語情緒  
寂寞相思知幾許  
玉枕擁孤衾挹恨還聞歲月深  
簾卷曲房誰共醉  
顛顛惆悵秦樓彈粉淚

前調

又一體

馮延巳

細雨濕流光  
芳草年年與恨長  
煙鎖鳳樓無限事  
茫茫  
鸞鏡鴛衾兩斷腸  
魂夢任悠揚  
睡去楊花滿繡牀  
薄倖不來門半掩  
斜陽負你殘春淚  
幾行

前調

晏幾道

淥水帶春潮  
水上朱闌小  
渡橋橋上女兒雙  
笑靨妖嬈  
倚著闌干弄柳條  
月夜落花朝  
減字偷聲按玉簫  
柳外行人回首處  
迢迢若比銀河路  
更遙

前調

晏幾道

小蕊愛春風日日宮花花樹中恰向柳絲撩亂處相逢  
笑靨旁邊心事濃歸路草茸茸家在秦樓更近東醒  
去醉來無限事誰同說著西池滿面紅

前調

晏幾道

花落未須悲紅蕊明年又滿枝惟有花間人別後無期  
水闊山長鴈字遲今日最相思記得攀條話別離共  
說春來春去事多時一點愁心入翠眉

前調

晏幾道

新月又如眉長笛誰教月下吹樓倚暮雲初見鴈南飛  
漫道行人鴈後歸意欲夢佳期夢裏關山路不知却  
待短書來破恨應遲還是涼生玉枕時

前調

南徐  
中秋

張先

湖上水清渾棹影輕於水底雲去意徘徊無奈淚衣巾  
猶有當時粉黛痕海近古城昏暮角寒沙鴈隊分今  
夜相思應看月無人露冷依前獨倚門

前調

張先

何處可魂銷京口終朝兩信潮  
不管離心千疊恨滔滔  
催促行人動去橈  
記得舊江臯綠楊輕絮幾條條  
春水一篙殘照闊遙遙  
有個多情立畫橋

前調

張先

相並細腰身時樣宮妝一樣  
新曲項胡琴魚尾撥離人  
入塞絃聲水上聞  
天碧染衣巾血色輕羅碎摺裙  
百卉已隨霜女妒東君暗折雙花  
惜小春

前調

蕪 軾

晚景落瓊杯照眼雲山翠作堆認得岷峨春雪浪初來  
萬頃蒲萄漲綠醅 暮雨暗陽臺亂灑高樓濕粉腮一  
陣東風來捲地吹迴落照江天一半開

前調

梅

蕪 軾

寒雀滿踈籬爭抱寒柯看玉蕤忽見客來花下坐驚飛  
踏散芳英落酒卮 痛飲又能詩坐客無羶醉不知花  
盡酒闌春到也離離一點微酸已著枝

前調

勸李公  
擇酒

蕪 軾

不到謝公臺  
明月清風好在哉  
舊日髯孫何處去  
重來短李風流更上才  
秋色漸摧頰  
滿院黃花映酒杯  
看取桃花春二月  
爭開盡是劉郎去後栽

前調

重九酒  
輝樓

蕪 軾

霜降水痕收  
淺碧鱗鱗露遠洲  
酒力漸消風力軟  
颼颼破帽多情却戀頭  
佳節若為酬  
但把清尊斷送秋  
萬事到頭都是夢  
休休明日黃花蝶也愁



前調

蘓軾

回首亂山橫不見居人只見城誰似臨平山上塔亭亭  
迎客西來送客行臨路晚風清一枕初寒夢不成今  
夜殘燈斜照處熒熒秋雨晴時淚不晴

前調

蘓軾

冰雪透香肌姑射仙人不似伊濯錦江頭新樣錦非宜  
故著尋常澹薄衣暖日下重幃春睡香凝索起遲曼  
倩風流緣底事當時愛被西真喚作兒

前調

蘇軾

旌旆滿江湖詔發樓船萬舳艫投筆將軍應笑我癡愚  
把首腰刀是丈夫粉淚怨離居喜子垂窓報捷書試  
問伏波三萬語何如一斛明珠換綠珠

前調

蘇軾

未倦長卿遊漫舞天歌爛不收不是使君能矯世誰留  
教有瓊梳脫麝油香粉縷金毬花豔紅箋筆欲流從  
此丹唇并皓齒清柔唱徧山東一百州

前調

贈田叔通  
家舞鬢

蘇軾

繡鞅玉鐙遊燈晃踈簾笑却收久立香車催欲上還留  
更且檀唇點香油 花徧六幺毬面旋迴風帶雪流春  
入腰肢金縷細輕柔種柳應須柳柳州

前調

集句  
二首

蘇軾

悵望送春杯漸老逢春能幾回花滿楚城愁遠別傷懷  
何況清絲急管催 吟斷望鄉臺萬里歸心獨上來景  
物登臨閒始見徘徊一寸相思一寸灰

前調

蘇軾

何處倚闌干，絃管高樓月正圓。  
蝴蝶夢中家萬里，依然老去愁來強自寬。  
明鏡借紅顏，須著人間比夢間。  
蠟燭半籠金翡翠，更闌繡被焚香獨自眠。

前調

九日寄彭道微

黃庭堅

卧稻雨餘收處處，游人簇遠洲。  
白髮又挨紅袖醉戎州。  
亂摘黃花插滿頭，青眼想風流。  
畫出當時一幀秋，却憶去年歡意舞梁州。  
塞鴈西來特地愁。

前調

九日宜  
州城樓

黃庭堅

諸將說封侯短笛長歌獨倚樓  
萬事盡隨風雨去休休  
戲馬臺南金絡頭  
催酒莫遲留酒味今秋似去秋  
花向老人頭上笑羞羞白髮簪花不解愁

前調

集句

黃庭堅

黃菊滿東籬與客攜壺上翠微  
已是有花兼有酒良期  
不用登臨怨落暉  
滿酌不須辭莫待無花空折枝  
寂寞酒醒人散後堪悲  
節去蜂愁蝶未知

前調

秦觀

妙手寫徽真水剪雙眸點絳脣疑是昔年窺宋玉東鄰  
只露牆頭一半身 往事已酸辛誰記當時翠黛顰盡  
道有些堪恨處無情任是無情也動人

前調

九日次  
東坡韻

陳師道

晴野下田收照影寒江落鴈洲禪榻茶壚深閉閣颼颼  
橫雨旁風不到頭 登覽却輕酬回鴈峰南未得秋喚  
取佳人聽舊曲休休瘴雨蠻花孰與愁

前調

陳師道

風絮落東鄰點綴繁花旋化塵闕鎖玉樓巢燕子冥冥  
桃李摧殘不見春 流轉到如今翡翠生兒翠作衿花  
樣腰身宮樣立婷婷困倚闌干一欠伸

前調

詠棣棠菊

陳師道

亂蕊壓枝繁堆積金錢鬧作團曉起塗黃仍帶酒看看  
衣賸腰肢故著單 薄瘦却禁寒牽引人心不放闌擬  
折一枝遮老眼難難蝶橫蜂爭只倚欄

前調

陳師道

急雨打寒窓雨氣侵燈暗壁釭窗下有人挑錦字行行  
淚濕紅綃減舊香 往事最難忘更著秋聲說斷腸曲  
渚圓沙風葉底藏藏誰使鴛鴦故作雙

前調

李之儀

春後雨餘天 姪姪黃鸝勝管絃榴葉千燈初報暑階前  
祇有茶甌味最便 身世幾踟躕自覺年來更可憐欲  
問此情何所似 延緣看取窓間墜柳絲



前調

李之儀

綠水滿池塘點水蜻蜓避燕忙杏子壓枝黃半熟鄰墻  
風送荷花幾陣香角簾襯牙床汗透鮫綃畫影長點  
滴芭蕉踈雨過微涼畫角悠悠送夕陽

前調

李之儀

睡起繞回塘不見銜泥燕子忙前圃花枝都綠遍西牆  
猶有輕風遞暗香步嬾恰尋牀卧看遊絲到地長自  
恨無聊常病酒淒涼豈有才情似沈陽

前調 端午

李之儀

小雨濕黃昏重午佳辰獨掩門  
巢燕引雛渾去盡銷魂  
空向梁間覓宿痕  
客舍宛如邨好事無人載一尊  
唯有鶯聲知此恨  
殷勤恰似當時枕上聞

前調

與文中諸公泛南溪

葛勝仲

柳岸正飛絲  
選勝齋輕漾  
碧玉連笑語  
忘懷機事盡  
鷗邊  
萬頃溪光上下天  
菰葦久延緣  
不覺遙峯靄  
暮煙對  
酒莫嫌紅粉陋  
嬋娟自有孤高月裏仙

前調

九日次  
東坡韻

葛勝仲

晴日亂雲收人在蘋香柳憚洲溪上清風樓上醉颼颼  
共折黃花插滿頭  佳客獻還酬不負山城九日秋  
碧卞青供醕酹休休楚客當年浪自愁

前調

葛勝仲

拂檻曉雲鮮銷暑樓危竦半天曾是攜賓當薦九開筵  
度水縈山奏管絃  黃菊映華顛千騎重來已六年樓  
下東流當日水依然更對周旋舊七賢

前調

謝逸

淺色染春衣，衣上雙雙小燕飛。  
袖卷藕絲寒玉瘦，彈棊贏得尊前酒。  
一卮冰雪拂胭脂，絳蠟香融落日西。  
唱徹陽關人欲去，依依醉眼橫波翠黛低。

前調

周邦彥

晨色動妝樓，短蠟熒熒情未收。  
自在開簾風不定，颼颼池面冰漸趁。  
水流早起怯梳頭，欲綰雲鬟又却休。  
不會沉吟思底事，凝眸兩點春山滿鏡愁。

前調

周邦彥

秋氣繞城闌暮角寒鴉未掩門記得佳人衝雨別吟分  
別緒多於雨後雲 小棹碧溪津恰是江南第一春應  
是採蓮閒伴侶相尋收到蓮心與舊人

前調

周邦彥

寒夜夢初醒行盡江南萬里程早是愁來無會處時聽  
敗葉相傳細雨聲 書信也無憑萬事由他別後情誰  
信歸來須及早長亭短帽輕衫走馬迎

前調

周邦彥

戶外井桐飄澹月，  
踈星共寂寥。  
恐怕霜寒初索被，  
中宵已覺秋聲引鴈高。  
羅帶束纖腰，  
自剪燈花試彩毫。  
收起一封江北信，  
明朝為問江頭早晚潮。

前調

周邦彥

夜闌夢難收，  
宋玉多情我結儔。  
千點漏聲萬點淚，  
悠悠霜月雞聲幾段愁。  
難展皺眉頭，  
怨句哀吟送客秋。  
蟋蟀牀頭調夜曲，  
啾啾又聽驚人鴈過樓。

前調

呂渭老

小雨阻行舟人在煙林古渡頭欲挈一尊相就醉無由  
惟見橫波入鬢流百計不遲留明月他時獨上樓水  
盡又山山又水夷猶占斷江南萬斛愁

前調

呂渭老

燕子喚春歸夢逐楊花滿院飛吹過西家人不見依依  
萍點荷錢又滿池屈指數佳期何日憑肩對展眉傾  
盡十分應不醉遲遲可惜櫻桃杏子時

前調

大雪

向子諲

梅與雪爭姝試問春風管得無除却箇人多樣態誰如  
細把冰姿比玉膚一面倒金壺既醉仍煩翠袖扶同  
向凌風臺上看何如且與鄰林作畫圖

前調

蔡伸

木落鴈南翔錦鯉殷懃為度江淚墨銀鈎相憶字成行  
滴損雲箋小鳳凰陳事費思量回首煙波卷夕陽儘  
道憑書聊破恨難忘及至書來更斷腸



前調

池亭新  
成晚步

葉夢得

淺碧蘸鱗鱗照眼全無一點塵  
百草千花都過了初新  
翠竹高槐不占春  
歌笑墮綸巾  
午睡醒來尚欠伸  
待得月明歸去也  
香蘋更有涼風解送人

前調

自後園晚  
步湖上

葉夢得

小院雨新晴  
初聽黃鸝第一聲  
滿地綠陰人不到  
盈盈一點孤花尚有情  
却傍水邊行  
葉底跳魚浪自驚  
日暮小舟何處去  
斜橫衝破波痕久未平

前調

趙師俠

月轉水晶盤樓上初聞一鼓殘又是去年天氣好欄干  
風動梅梢玉鬪寒無奈壯情闌對酒如何欲強歡誰  
道破愁須仗酒君看酒到愁多破亦難

前調

吳億

江上雪初消暖日晴煙弄柳條認得裙腰芳草綠魂消  
曾折梅花過斷橋蟬鬢為誰凋長恨含嬌那處嬌遙  
想晚妝呵手罷無聊更傍朱唇暖玉簫

前調 席上

曾 覲

霜月曉雲收蕭瑟西風滿院秋雅會難期嗟易散遲留  
把酒聽歌且勸酬萬事拚悠悠只有情親意未休後  
夜扁舟煙浪裡回頭葉葉丹楓總是愁

前調

程 垓

幾日訴離尊歌盡陽關不忍分此度天涯真個去銷魂  
相送黃花落葉村斜日又黃昏蕭寺無人半掩門今  
夜粉香明月淚休論只要羅巾記舊痕

前調

辛棄疾

隔戶語春鶯繞掛簾兒斂袂行漸見凌波羅鞵步盈盈  
隨笑隨顰百媚生 著意聽新聲盡是司空自教成今  
夜酒腸難道窄多情莫放紗籠蠟炬明

前調

舟中  
記夢

辛棄疾

欹枕櫓聲邊貪聽呬啞聒醉眠夢裏笙歌花底去依然  
翠袖盈盈在眼前 別後兩眉尖欲說還休夢已闌只  
怪無情前夜月相看不管人愁獨自圓

前調

送友赴高安戶曹

辛棄疾

日日老萊衣更解風流蠟鳳嬉  
膝上放教文度去須知  
要使人看玉樹枝  
剩記乃翁詩  
綠水紅蓮覓舊題  
歸騎春山花滿路  
相期來歲流觴曲水時

前調

登京口北固亭有懷

辛棄疾

何處望神州  
滿眼風光北固樓  
千古興亡多少事  
悠悠不盡長江滾滾流  
年少萬兜鍪  
坐斷東南戰未休  
天下英雄誰敵手  
曹劉生子當如孫仲謀

前調 次張安國韻

朱熹

落日照樓船穩過澄江一片天珍重使君留客意依然  
風月從今別一川 離緒悄危絃永夜清霜透幕羶明  
日回頭江樹遠懷賢目斷晴空鴈字連

前調

同韓子東飲汪德召新樓

趙彥端

風露晚珊珊洛下湘中接珮環急把一杯相勞苦雲端  
只恐冰肌亦自寒 二客共闌干澌澌鯨波吸未乾待  
得月華移十丈乘歡更上層樓極處看

前調

趙彥端

濃綠暗芳洲春事都隨芍藥休風雨只愁梅子熟颼颼  
却送行人一夜秋 新月幸如鉤三五還催玉鑑浮一  
段離愁溪樣遠悠悠只是溪流淺似愁

前調

集句

趙彥端

窓戶映朝光花氣渾如百和香即遣花飛深造次茫茫  
曲渚飄成錦一張 相憶莫相忘並蒂芙蓉本自雙草  
色連雲人去住堪傷海上尖峯似劍鋌

前調

陸游

歸夢寄吳檣水驛江程去路長想見芳洲初繫纜斜陽  
煙樹參差認武昌愁鬢點新霜曾是朝衣染御香重  
到故鄉交舊少淒涼却恐他鄉勝故鄉

前調

陸游

早歲入皇州尊酒相逢盡勝流三十年來真一夢堪愁  
客路蕭蕭兩鬢秋蓬嶠偶重遊不待人嘲我自羞看  
鏡倚樓俱已矣扁舟月笛煙蓑萬事休



前調

謝永嘉諸  
友相餞

陳亮

人物滿東甌別我江心識俊遊北盡平蕪南似畫中流  
誰繫龍驤萬斛舟去去幾時休猶是潮來更上頭醉  
墨淋漓人感舊離愁一夜西風似夏不

前調

黃機

簾幙悶深沉燈暗香銷夜正深花落畫簷鳴細雨涔涔  
滴破相思萬里心曉色未平分翠被寒生不自禁待  
得夢成翻惡况堪顰飛鴈新來也誤人

前調

王炎

雲澹日曠明久雨濕濕乍得晴社近東臯農務急催耕  
又見芎蒲出水青池面縠紋平掠水迎風燕羽輕試  
出訪尋春色看相迎巧笑花枝似有情

前調

德清舟中和韻

洪咨夔

霜月冷婷婷夾岸蘆花雪點成短艇水晶宮裏繫閒情  
誰道芙蓉更有城阿鵲數歸程人倚低窓小畫屏莫  
恨年華飛上鬢堪憑一度春風一度鶯

前調

汪莘

茅舍起踈煙家在寒溪阿那邊修竹當籬梅當戶蕭然  
問是堯天是葛天風雨入新年惟恐春陰咽管絃綠  
酒一尊歌一曲人傳不屬天仙屬散仙

前調

方千里

西北有高樓澹靄殘煙漸漸收幾陣涼風生客袖颼颼  
心逐年華袞袞流花卉滿前頭踈懶心情百事休閒  
倚闌干無一語回眸鼓角聲中喚起愁

前調

楊澤民

乘月上高樓一片清光浩莫收  
簾卷西風知客意颼颼  
山自縱橫水自流却遶古城頭  
塵事匆匆得少休遙  
送征鴻千里外明眸消盡人間萬種愁

前調

黃昇

多病帶圍寬未到衰年已鮮歡  
夢破小樓風馬響珊珊  
缺月無情轉畫欄涼入苧衾單  
起剔燈花夜欲闌書  
冊滿牀空伴睡慵觀拈得漁樵笛譜看

前調

冬夜

黃昇

萬籟寂無聲，衾鐵稜稜。近五更香斷，燈昏吟未穩。淒清  
只有霜華伴月明。應是夜寒凝，惱得梅花睡不成。我  
念梅花，花念我，闕情起看，清冰滿玉瓶。

前調

潘枋

生怕倚闌干，閣下溪聲閣外山。空有舊時山共水，依然  
暮雨朝雲去不還。想見躡飛鸞，月下時時認珮環。月  
又漸低，霜又下，更闌折得梅花，獨自看。

前調

蔣捷

泊鴈下汀洲冷澹湔裙水漫流裙上唾花無覓處重遊  
隔柳惟存月半鉤準擬架層樓望得伊家見始休還  
怕粉雲天未起悠悠化作相思一片愁

前調

元夕

蔣捷

翠幃夜遊車不到山邊與水涯隨分紙燈三四盞鄰家  
便作元宵好景誇誰解倚梅花思想燈球墜絳紗舊  
說夢華猶未了堪嗟纔百餘年又夢華

前調

憶春

張炎

歌扇錦連枝，問著東風，已不知怪底樓前多種柳。相思那葉，渾如舊樣眉。醉裏眼都迷，遮莫東牆帶笑窺行。到尋常遊冶處，慵歸只道看花似向時。

前調

張炎

風月似孤山，千樹斜橫水一環。天與清香心獨領，怡顏冰雪中間。屋數間。庭戶隔塵寰。自有雲封底用闕。却笑桃源深處，隱躋攀引得漁翁見不難。

前調

杜陵醉  
歸手卷

張炎

晴野事春遊老去尋詩苦未休一似浣花溪上路清幽  
煙草纖纖水自流何處偶遲留猶未忘情是酒籌童  
子策驢人已醉知不醉裏眉橫萬疊愁

前調

竹居

張炎

愛此碧相依卜築西園隱逸時三徑成陰門可款幽棲  
蒼雪紛紛冷不飛青眼舊心知瘦節終堪歲晚期人  
在清風來往處吟詩更好梅花看一枝



前調

孫惟信

壁月小紅樓聽得吹簫憶舊遊  
霜冷闌干天似水揚州  
薄倖聲名總是愁  
塵暗鷓鴣裘  
裁剪曾勞玉指柔  
一  
夢覺來三十載風流空對梅花白了頭

前調

愛閣  
賦別

葛長庚

夜月照千峰影滿荷池靜  
裊風明日今宵還感慨梧桐  
葉葉隨風颺碧空  
聚散與誰同  
野鶴孤雲有底踪  
別  
後要知相憶處無窮  
總在青山夕照中

前調

葛長庚

前度幾相逢日日從遊樂不同竹閣荷亭歡聚處雍容  
如在蓬萊第一宮夜半月朦朧秉燭東園風露中明  
日匆匆還入泚沖沖却把音書寄遠鴻

前調

鄭文妻

曉日壓重簷斗帳春寒起未收天氣困人梳洗嬾看尖  
淡畫春山不喜添閒把繡絲撻認得金鍼又倒拈陌  
上遊人歸也未厭厭滿院楊花不捲簾

前調

張弘範

煙草入重城馬首關山接去程幾度留君留不住傷情  
一片秋蟬雨後聲無語淚縱橫別酒和愁且強傾後  
會有期須記取叮嚀莫負中秋夜月明

前調

歌妓

趙孟頫

雲擁髻鬢愁好在張家燕子樓稀翠踈紅春欲透溫柔  
多少閒情不自由歌罷錦纏頭山下清波左右流曲  
裏吳音嬌未改障羞一朵芙蓉兩扇秋

前調

張彥  
通壽

劉因

窗下絡車聲  
牕畔兒童課六經  
自種牆東新菜  
莢青青  
隨分杯盤老幼情  
千古董生行  
雞犬昇平畫不成  
應笑東家劉孝子  
無能縱飲狂歌不治生

前調

四川道  
中作

曹伯啓

蜀道古來難  
數日馳驅興已闌  
石棧天梯三百尺  
危欄  
應被旁人畫裏看  
兩握不曾乾  
俯瞰飛流過石灘  
到  
晚纔知身是我  
平安孤館青燈夜更寒

前調

驛夫夜  
唱孤鴈

張翥

野唱自淒涼一曲孤鴻欲斷腸恰似竹枝哀怨處瀟湘  
月冷雲昏覓斷行離思楚天長風閃青燈雨打牕驚  
起小紅樓上夢悠揚只在佳人錦瑟傍

前調

賞木  
芙蓉

張翥

秋色照波明夾岸芙蓉似錦城罨畫樓臺紅粉面輕盈  
未許黃徐寫得成一舸載楊瓊共醉花前玉笛聲記  
得青鸞和月跨三生我是仙家石曼卿

前調

倪瓚

篷上雨潺潺篷底離人夢故山礪戶林扉元不閉蕭閒  
只有飛雲可往還 波冷玉珊珊一壑松風引珮環詠  
得池塘青草句更闌行盡千峰一霎間

前調

贈歌者  
怡雲

張埜

靄靄度南空花影長如月影中曾為清歌還少駐匆匆  
變作尊前喜氣濃 一笑為誰容只許幽人出處同却  
恐等閒為雨後東風吹過巫山第幾峰

前調

八詠  
樓作

劉基

鳴雨過庭除病骨峻增不自扶強倚闌干成小立蕭疎  
立困依然作宰予 驚覺失華胥樓外青山落照餘誰  
似莊周能化蝶遽遽心上閒愁一點無

前調

詠鷗

楊基

春水綠迢迢長與鳧鷖點翠苗一向逐波浮不定飄飄  
又逐東風下晚潮 閒倚木蘭橈相近相親不用招今  
夜月明何處覓遙遙兩岼蘆花雪未消

前調

夏日遊  
竹隱寺

駱文盛

雨洗碧山頭  
藹藹巒光翠  
欲流歸騎不妨苔  
徑滑颼颼  
竹下涼生暗入秋  
緩步出林丘  
何日重來續勝遊  
佳思却憑清夢遠  
悠悠騎鶴還尋海上洲

前調

同友汎  
北溪

吳子孝

畫舫却如梭  
城下秋光染翠波  
齊女門前衰柳暮  
煙和萬井人家笑語多  
隔水奏笙歌  
來往帆檣載綺羅  
最是江南豐樂地  
如何一夜西風老芰荷



前調

吳子孝

金顆一林黃橘實纍纍未著霜纖手試開秋色裏瓊漿  
小迸羅衣滿袖香樓角盼斜陽簾卷橫溪怯晚涼新  
月如眉溪水上彎長閒客閒情欲斷腸

前調

效馮延巳  
作四首

吳子孝

細雨濕輕煙煙外鳩聲欲暮天望斷天涯人不見  
淚盡殘釭只自眠芳草碧淒然憔悴心情減去年欲  
遣閒愁那可得花前忍見長空片月圓

前調

吳子孝

細雨濕山嵐強對菱花思不堪幽院寂寥鶯語急江南  
輕暖輕寒未易諳新酒最難酣獨坐尋思理翠簪鴈  
素不來門半掩鬢髮楊柳如絲覆碧潭

前調

吳子孝

細雨濕斜陽花壓闌干盡試芳晝夢尋君遊冶處茫茫  
水遠山遙夢已忘翠枕倚籠香雨歇楊花又滿塘春  
色歸來人不到愁腸一日千迴繞越鄉

前調

吳子孝

細雨濕東風後苑花開又滿叢纖手弄花愁不語匆匆  
妾貌如花得久紅 搵淚祝天公願得長年託化工花  
不飄零人不老相同花美人歡百歲中

前調

文徵明

雨過綠陰稠燕子飛來特地遊日暮重重簾幙閉悠悠  
殘夢關心懶下樓 芳草弄春柔欲下晴絲不自由青  
粉牆西人獨自休休花自紛紛水自流

前調

沈周

天地一癡仙寫畫題詩不換錢畫債詩逋忙到老堪憐  
白作人情白結緣無興最今年浪拍茅堂水浸田筆  
硯只宜收拾起休言但說移家上釣船

前調

遼陽作

黃正色

清世愧無能竊得微階正不勝天地包容投遠塞相應  
投杼慈親本愛曾靜坐讀伽楞百念幾同二月冰朔  
漠清寒雖特甚休憎古訓從來只自懲

前調

牆外春

王衡

午日暈紅椒流白天絲任意飄酒幕香車東去了聊蕭  
燕子銜花坐淺巢茂苑更春饒柳葉蘆芽月滿橋席  
底人人應念道櫻桃剩得鶯殘雨又敲

前調

顧士林

風雨上孤舟滿目帆檣帶急流酒界詩懷無冷煖優游  
一任涼飈發素秋何事愧金裘痛讀離騷伴客遊逆  
數歸期歸未得淹留千頃煙波天際頭

前調

張 草

芳草翠煙濃  
蕉葉零零細雨中  
無數浮萍風皺轉情同  
殘夢天涯斷  
遠鐘 獨立在簾櫳  
雙燕新扶柳岸風  
鷗鷺  
鷗鷺衝寒花事晚  
繁紅滴濕胭脂落幾叢

前調

馮鼎位

銀蒜押輕簾  
滿眼寒光耀玉蟾  
偏是垂楊搖曳處  
纖纖眉黛春深凍不拈  
飛絮滿離簷  
半入江潮錦浪添  
攜伴捲簾新釀好  
厭厭莫管東風分外尖



御選歷代詩餘卷三十三

總校官庶吉士臣張能照

校對官庶吉士臣陳宗本

校對官編修臣朱攸

謄錄監生臣王世臣

謄錄監生臣劉復善



欽定四庫全書薈要

集部

御選歷代詩餘卷三十四

四五

詳校官編修臣汪鏞

欽定四庫全書薈要

御選歷代詩餘卷三十四目錄

起五十六字  
至五十七字

步蟾宮

又一體

鍾過

蔣捷

三首

無名氏

夜行船

又一體

趙長卿



楊无咎 二首

黃機

許棐

高觀國

史達祖

吳文英 三首

周密 二首

前調 又一體

歐陽修

前調

又一體

楊无咎

送將歸

王觀

鳳銜杯

晏殊

前調

又一體

晏殊 二首

卓牌兒

楊无咎

戀繡衾

趙汝茷

樓上曲

張元幹 二首

臨江仙 又一體

趙長卿

西江月

又一體

趙與仁

錦帳春

戴復古

廳前柳

無名氏

柳搖金

無名氏

茶瓶兒

又一體

李元膺

清江曲

蘇庠

翻香令

蘇軾

市橋柳

蜀中妓

河傳 又一體

葉小鸞

梅花引

王特起 二首

趙秉文

高憲

前調 又一體



万俟雅言

一斛珠

南唐李煜

晏幾道 四首

張先 二首

蘇軾 三首

黃庭堅

晁補之

周紫芝 二首

謝逸

周邦彥

趙長卿

張元幹

張掄 二首

侯寘 二首

范成大

程垓 二首

周必大

管鑑

王千秋

陸游

黃機

劉光祖

毛幵

高觀國

史達祖

張榘

沈端節

吳文英

周密  
三首

王沂孫

張炎  
二首

石孝友

三首

薛夢桂

王坊

陳繼儒

陳子龍

夜遊宮

秦觀

賀鑄

毛滂

周邦彥  
三首

呂渭老

張孝祥

方千里

楊澤民

吳文英  
二首

御選歷代詩餘卷三十四目錄

欽定四庫全書薈要卷二萬七百十二

集部

御選歷代詩餘卷三十四

起五十六字  
至五十七字

步蟾宮

又一體雙調

五十六字

步蟾宮

鍾過

東風又送酴醿信  
蚤吹得愁成  
潘鬢花開猶似十年前  
人不似十年前俊  
水邊珠翠香成陣也  
消得燕窺鶯  
認歸來沈醉月朦朧  
覺花氣滿襟猶潤



前調 中秋

蔣捷

去年雲掩冰輪皎喜今歲微雲俱掃乾坤一片玉琉璃  
怎算得清光多少無歌無酒癡頑老對愁影翻嫌分  
曉天公原不負中秋我自把中秋負了

前調 木樨

蔣捷

綠華翦碎嬌雲瘦騰妝點菊前蓉後娟娟月也染成香  
又何况纖羅襟袖秋牕一夜西風驟翠奩鎖瓊珠花  
鏤人間富貴總腥羶且和露攀花三嗅

前調

蔣捷

玉牕掣鎖香雲漲  
喚綠袖低敲方響  
流蘇拂處字微譎  
但斜倚紅梅一晌  
濛濛月在簾衣上  
做池館春陰模樣  
春陰模樣不如晴  
這催雪曲兒休唱

前調

無名氏

東風捏就腰肢細  
繫六幅裙兒不起  
從來只慣掌中行  
恁恁在燭花影裏  
酒紅應是鉛華退  
暗蹙眉峰雙  
翠夜深著緗小鞵兒  
靠那箇屏風立地

# 夜行船

又一體一名雨中花令一名  
明月棹孤舟雙調五十六字

## 夜行船

趙長卿

綠鎖牕紗梧葉底  
麥秋時  
曉寒慵起  
宿酒厭厭  
殘香冉冉  
渾是那時天氣  
別日不堪  
頻屈指  
回頭早  
一年不  
啻搔首  
無言闌干  
十二倚了  
又還重倚

## 前調

楊无咎

翠袖輕籠檀板轉  
聽聲聲  
曉鶯初啞  
花落江南  
柳青客

舍多少舊愁新怨 我也尋常聽見慣渾不似這番撩  
亂調少情多語嬌聲咽曲與寸腸俱斷

前調

楊无咎

怪被東風相錯誤落輕帆暫停煙渚桐樹陰森茆檐瀟  
灑元是那回來處 相與狂朋沽綠醕聽仙姬隔牕言  
語我既癡迷卿還留戀明日慢移船去

前調

京口  
南園

黃機

紅濺羅裙三月二露桃開柳絲又起百尺游絲罥鶯留

燕判與南園一醉  
歷歷斜陽明野水  
倚危欄暮雲千里  
說與游人直須燒燭  
早晚綠陰青子

前調

許棐

一饜東風留不住  
離歌斷日斜  
春暮多事啼鶯妬  
情飛燕一路  
送人歸去  
文君自被琴心誤  
却惆悵落花飛絮  
錦字機寒玉爐煙冷  
門外亂山無數

前調

高觀國

翦水天風吹醉醒  
高樓外凍雲愁凝  
袖口香寒歌喉春

暖不管鴈邊寒緊  
瓊屑瑤花飛碎影  
應須待玉田千

頃小約梅英  
教吟柳絮春在繡紅鴛錦

前調

開賣杏  
花有感

史達祖

不翦春衫愁意態  
過收燈有些寒  
在小雨空簾無人深  
巷早已杏花先賣  
白髮潘郎寬沈帶  
怕看山憶他眉  
黛草色拖裙煙光惹鬢  
常記故園挑菜

前調

贈趙  
梅壺

吳文英

碧甃清漪方鏡小  
綺疏淨半塵不到  
古鬲香深宮壺花

換留取四時春好  
樓上眉山雲窈窕  
香衾夢鎮疎清  
曉並蒂蓮開合歡屏  
暖玉漏又催朝早

前調

寓化  
度寺

吳文英

鴉帶斜陽歸遠樹  
無人聽數聲鐘暮  
日與愁長心灰香  
斷月冷竹房扃戶  
畫扇青山吳苑路  
傍懷袖夢飛不  
去憶別西池紅綃  
感淚腸斷粉蓮啼露

前調

吳文英

逗曉闌干露露水  
歸期杳畫簷鵲喜  
粉汗餘香傷秋中

酒月落桂花影裏  
幾曲屏山和夢倚  
行雲重夢飛不起  
紅葉中庭綠塵斜  
挂應是寶箏慵理

前調

周密

蛩老無聲深夜靜  
新霜燦一簾燈影  
如夢鴻高借愁月  
淺縈亂恨絲難整  
笙譜字嬌謔誰靚  
香襟冷嬾看妝  
印繡閣藏春海棠  
偷暖還似去年風景

前調

周密

寒菊淒風栖小蝶  
簾櫳靜半規涼月  
夢不分明恨無憑



據腸斷錦箋盈篋  
哀角吹霜寒正怯  
倚瑤箏暗愁難  
說寶獸頻添玉蟲  
暗翦長記舊家時節

前調

又一體

歐陽修

憶昔西都歡縱自別後有誰能共伊川山水洛川花細  
尋思舊遊如夢  
記今日相逢情愈重  
愁聞唱畫樓鐘  
動白髮天涯逢此景  
倒金尊殢誰相送

前調

又一體

楊无咎

夾岼綺羅歡聚看喧喧  
彩舟來去晴放湖光雨添山色

誰識總相宜處 輸與騷人却知勝趣醉臨流戲評坡  
句若把西湖比西子這東湖似東鄰女

### 送將歸

即雨中花之又一

體雙調五十六字

### 送將歸

王觀

百尺清泉聲陸續映瀟湘碧梧翠竹面千步回廊重重  
簾幕小枕敲寒玉 試展鮫綃看畫軸見一派瀟湘凝  
綠待玉漏穿花銀河垂地月上闌干曲

鳳銜杯

雙調五

十六字

鳳銜杯

晏殊

青蘋昨夜秋風起無限箇露蓮相倚獨凭朱闌愁放晴  
天際空目斷遙山翠彩箋長錦書細誰信道兩情難  
寄可惜良辰好景歡娛地只恁空顛顛

前調

又一體

晏殊

留花不住怨花飛向南園情緒依依可惜教紅斜白一

枝枝經宿雨又離披  
凭朱檻把金卮對芳叢惆悵多  
時何況舊歡新恨阻心期  
滿眼是相思

前調

晏殊

柳條花顫惱青春  
更那堪飛綠紛紛  
一曲細絲清脆倚  
朱脣斟綠酒掩紅巾  
追往事惜芳辰  
暫時時間留住行  
雲端的自家心  
下眼中人到處  
覺尖新

卓牌兒

兒或作子亦名卓牌  
兒慢雙調五十六字

卓牌兒

楊无咎

西樓天將晚流素月寒光正滿樓上笑揖姮娥似看羅  
韞塵生鬢雲風亂珠簾終夕捲判不寐闌干凭爇好在  
影落清尊冷侵香幄歡餘未教人散

戀繡衾

雙調五

十六字

戀繡衾

趙汝茷

柳絲空有萬千條繫不住溪頭畫橈想今宵也對新月

過輕寒何處小橋  
玉簫臺榭春多少  
溜啼痕盈臉未  
消怪別來  
照脂慵傅被東風偷在杏梢

樓上曲

雙調五

十六字

樓上曲

張元幹

樓外夕陽明遠水  
樓中人倚東風裏  
何事有情怨別離  
低鬟背立君應知  
東望雲山君去路  
羊腸迢遞盡愁  
處明朝不忍見  
雲山從今休傍曲闌干

前調

張元幹

清夜燈前花報喜心隨社燕涼風起雲路脩成寶月時  
東樓悵望君先期 沉澗秋香生玉井畫檐深轉梧桐  
影看君西去侍明光杯中丹桂一枝芳

臨江仙

又一體雙調

五十六字

臨江仙

趙長卿

夜久笙簫吹徹更深星斗還稀醉拈麝帶寫新詩瑣牕

風露燭地月明時  
水調悠揚聲美幽情彼此心知古  
香煙斷彩雲歸滿傾雀葉高唱轉花枝

### 西江月

又一體雙調

五十六字

### 西江月

趙與仁

夜半河痕依約雨餘天氣冥濛起行微月徧池東水影  
浮花花影動簾櫳  
量減難追醉白恨長莫盡啼紅鴈  
聲能到畫樓中也要玉人知道有秋風



錦帳春

雙調五

十六字

錦帳春

贈陳提舉  
奉母出遊

戴復古

處處逢花家家插柳正寒食清明時候奉板輿行樂使  
星隨後人間稀有出郭尋仙繡衣春畫馬上列兩行  
紅袖對韶華一笑勸夫人酒百千長壽

廳前柳

雙調五

十六字

廳前柳

無名氏

景清佳正倦客凝秋思浩無涯  
遞千里香芬馥桂初華  
向碧葉露芳葩  
為粟粒鵝兒情澹薄  
倩西風染就丹砂  
不比黃金雨  
燦餘霞  
送幽夢到仙家

柳搖金

雙調五十六字

亦名思歸樂

柳搖金

無名氏

相將初下蕊珠殿  
似醉粉生香  
未徧愛惜嬌心  
春不管

被東風賺開一半 中黃宮裏賜仙衣  
鬪淺深妝成笑面放出嬌嬈難繫  
綰笑東君自家腸斷

茶瓶兒

又一體雙調

五十六字

茶瓶兒

木元膺

去歲相逢深院宇 海棠下曾歌金縷  
歌罷花如雨翠羅衫上點點紅無數  
今歲重尋攜手處空物是人非春  
暮回首青門路亂英飛絮相逐東風去

清江曲

雙調五

十六字

清江曲

蘇庠

屬玉雙飛水滿塘  
菰蒲深處浴鴛鴦  
白蘋滿棹歸來晚  
秋著蘆花一岼霜  
扁舟繫岼依林樾  
蕭蕭兩鬢吹華髮  
萬事不理醉復醒  
長占煙波弄明月

翻香令

雙調五十六字

以蘇軾詞名

翻香令

蘇軾

金爐猶暖麝煤殘，惜香更把寶釵翻。重聞處，餘熏在，這一般氣味勝從前。背人偷蓋小蓬山，更將沈水與同燃。且圖得，氤氳久，為情深，嫌怕斷頭煙。

市橋柳

本蜀妓送行詞，因以詞內

句名調，雙調五十六字。

市橋柳

蜀中妓

欲寄意，渾無所有。折盡市橋官柳。看君著上春衫，又相

將放船楚江口  
後會不知何日又是男兒休要鎮長  
相守苟富貴無相忘若相忘有如此酒

### 河傳

又一體雙調

五十六字

河傳

七夕

明媛

葉小鸞

橋畔鸞扇星鈿霞釧暫撇殘機步移思量少年今夕時  
淒其未期先慘離  
借得姮娥初月鏡窺瘦影拂拭翠  
眉整駕雲蜺河漢西淒迷只愁雞暗啼

# 梅花引

本笛曲也亦名小梅  
花雙調五十七字

## 梅花引

王特起

山之麓河之曲一灣秀色盤虛谷  
水溶溶雨濛濛有人行李蕭蕭落葉中  
人家籬落炊煙濕天外雲峰迷澹碧  
野雲昏失前邨溪橋路滑平沙沒舊痕

## 前調

王特起

丹楓下瀟湘夜橫披省見王維畫畫無聲  
慘經營何如

幻我清寒此道行  
馬頭風急催行色  
疑是山靈嫌俗客  
釣魚磯綠蓑衣  
有人坐弄滄浪獨未歸

前調

過天門  
關作

趙秉文

山如峽天如席  
石顛樹老冰崖圻  
雪霏霏水洄洄  
先生此道胡為乎來哉  
石頭路滑馬蹄蹶  
昂頭貪看山奇絕  
短童隨皺雙眉休說清寒  
形容想更饑

前調

高憲

城下路淒風露  
今人犁田昔人墓  
岼頭沙帶蒹葭漫漫



昔時流水今人家  
黃埃赤日長安道  
倦客無漿馬無  
草開函關閉函關  
千古如何不見一人間

前調

又一體

萬俟雅言

曉風酸曉霜乾  
一鴈南飛人渡關  
客衣單客衣單千里  
斷魂空歌行路難  
寒梅驚破前邨雪  
寒雞啼破西樓  
月酒腸寬酒腸寬  
家在客邊不堪頻倚闌

一斛珠

本唐樂府新聲後遂以名調  
又名醉落魄雙調五十七字

一斛珠

詠美人口

南唐李煜

晚妝初過沈檀輕注些兒箇  
向人微露丁香顆一曲清  
歌整引櫻桃破羅袖裛殘  
殷色可杯深旋被香醪浣  
繡牀斜凭嬌無那爛嚼紅  
茸笑向檀郎唾

前調

晏幾道

滿街斜月垂鞭自唱陽關  
徹斷盡柔腸歸思切都為  
人不許多時別南橋昨夜  
風吹雪短長亭下征塵歇  
歸時定有梅堪折欲把離  
愁細撚花枝說

前調

晏幾道

鸞孤月缺兩春惆悵音塵絕如今若負當時節信道歡  
緣枉向衣襟結 若問相思何處歇相逢便是相思徹  
儘饒別後留心別也待相逢細把相思說

前調

晏幾道

天教命薄青樓占得聲名惡對酒當歌尋思著月戶星  
牕多少舊期約 相逢細語初心錯兩行紅淚尊前落  
霞觴且共深深酌惱亂春宵翠被都閒却

前調

晏幾道

休休莫莫離多還是因緣惡有情無奈思量著月夜佳  
期近寫香箋約心心口口長恨昨分飛容易當時錯  
後期休似前歡薄買斷青樓莫放春閒却

前調

美人  
吹笛

張先

雲輕柳弱內家髻子新梳掠生香真色人難學橫管孤  
吹月澹天垂幕朱脣淺破桃花萼倚樓誰在闌干角  
夜寒手冷春衣薄聲入霜林簌簌驚梅落

前調

吳興莘  
老席上

張先

山圍畫障風溪弄月清溶漾玉樓苔館人相望下若釀  
醅競欲金釵當使君勸醉青娥唱分明仙曲雲中響  
南園百卉千家賞和氣兼來不獨花枝上

前調

蘇軾

洛城春晚垂楊亂掩紅樓半小池輕浪紋如篆燭下花  
前曾醉離歌宴自惜風流雲雨散關山有限情無限  
待君重見尋芳伴為說相思目斷西樓燕

前調

閨門  
留別

蘇軾

蒼顏華髮故山歸計何時決  
舊交新貴音書絕  
惟有佳人猶作殷勤別  
離亭欲去歌聲咽  
瀟瀟細雨涼生頰  
淚珠不用羅巾裛  
彈在羅衣圖得見時說

前調

離京  
口作

蘇軾

輕雲微月三更酒醒船初發  
孤城回望蒼煙合  
公子佳人  
不記歸時節  
巾偏扇墜藤牀滑  
覺來幽夢無人說  
此生飄蕩何時歇  
家在西南長作東南別

前調

黃庭堅

紅牙板歇韶聲斷六么初徹小槽酒滴真珠竭紫玉甌  
圓淺浪浮春雪香芽嫩蕊清心骨醉中襟量與天濶  
夜闌似覺歸仙闕走馬章臺踏碎滿街月

前調

泊山  
口

晁補之

高鴻遠鷺溪山一帶人煙簇知君船近漁磯宿輕素橫  
溪天澹垂寒玉誰家紅袖闌干曲南陵風軟波平綠  
幽吟無伴芳尊獨清瘦休文一夜傷單縠

前調

周紫芝

柳邊池閣晚來卷盡東風惡  
人生不解頻行樂  
昨夜花開今日風吹落  
楊花却似人飄泊  
春雲更似人情薄  
如今始信從前錯  
為箇蠅頭輕負青山約

前調

周紫芝

薰風池閣小紅橋  
下荷花薄沙平水淺  
山如削水上鴛鴦何處風吹落  
今朝端午新梳掠  
錦絲圍腕花柔弱  
人生只有尊前樂  
前度劉郎莫負重來約



前調

謝逸

霜砧聲急瀟瀟疎雨梧桐濕無言獨倚闌干立簾捲黃  
昏一陣西風入 年時畫閣佳賓集玉人檀板當筵執  
銀瓶已斷絲繩汲莫話前歡忍對屏山泣

前調

周邦彥

茸金細弱秋風嫩桂花初著蕊珠宮裏人難學花染嬌  
萸羞映翠雲幄 清香不與蘭蓀約一枝雲鬢巧梳掠  
夜深輕撼薔薇萼香滿衣襟月在鳳凰閣

前調 重午

趙長卿

澹妝濃抹西湖人面兩奇絕  
菖蒲角黍家家節  
水戲魚龍十里畫簾揭  
凌波無限生塵蹻  
冰肌瑩徹香羅雪  
遊船且莫催歸楫  
遮莫黃昏天  
外有新月

前調

張元幹

綠枝紅萼江南芳  
信年年約竹輦路轉溪橋  
角晴日烘香的爍  
疎籬落玉臺粉面鉛華薄  
畫堂長記深羅幕  
惜花老去情猶著  
客裏驚春生怕東風惡

前調

中秋月

張掄

光輝皎潔古今但賞中秋月尋思豈是月華別都為人  
間天上氣清徹廣寒想望幾瓊闕瑩瑩玉杵聲奇絕  
何時賜我長生訣飛入蟾宮折桂餌丹雪

前調

芙蕖

張掄

湖光湛碧亭亭照水芙蓉拆綠羅蓋底爭紅白恍若凌  
波仙子步羅襪如今霜落枯荷折清香無處重尋覓  
浮生似此初無別及取身強一笑對風月

前調

侯 寘

梅花似雪雪花却似梅清絕小牕低映梅梢月常記良  
宵吹酒共攀折 如今客裏都休說瀟瀟灑灑情懷別  
夜闌火冷孤燈滅雪意梅情分付漆園蝶

前調

侯 寘

玉鈎珠箔夜涼庭院天垂幕好風吹動綸巾角羽扇休  
揮已怯絺衣薄 扁舟明日清溪泊歸來依舊情懷惡  
為君喚月驂鸞鶴天近多寒滿飲金盞落

前調

范成大

棲烏飛絕絳河綠霧星明滅燒香曳簟眠清樾花影吹  
簾滿地澹黃月好風碎竹聲如雪韶華三弄臨風咽  
鬢絲撩亂綸巾折涼滿北牕休共軟紅說

前調

賦石  
榴花

程垓

夏園初結綠深深處紅千疊杜鵑過盡芳菲歇只道無  
春滿意春猶慳折來一點如猩血透明冠子輕盈帖  
芳心蹙破情尤切不管花殘猶自揀雙葉

前調

程垓

晚涼時節翠梧風定蟬聲歇有人睡起香浮頰倚著闌  
干笑揀青荷葉 如今往事愁難說曲池依舊聞風月  
田田翠蓋香羅疊留得露痕都是淚珠結

前調

次江西帥  
吳明可韻

周必大

才高句傑飛黃却應鸞和節新詞聊卷波瀾闕泉玉淙  
淙猶不比清切 相逢未穩愁相別南園煙草南樓月  
陽關西出重吹徹垂柳新栽寧忍便攀折

前調

賞海  
棠

管鑑

春陰漠漠海棠花底東風惡  
人情不似春情薄  
守定花枝不放花零落  
綠樽細細供春酌  
酒醒無奈愁如昨  
殷勤待與東風約  
莫苦吹花何似吹愁却

前調

王千秋

驚鷗撲菽蕭蕭卧聽鳴幽屋  
牕明怪得雞鳴速  
牆角爛斑一半露  
松綠歌樓絲管誰翻曲  
丹脣冰面噴餘馥  
遺珠滿地無人掬  
歸著紅鞵踏碎閒街玉

前調

陸游

江湖醉客投杯起舞道烏幘三更冷翠霑衣濕嫋嫋菱  
歌吹落半川月空花昨夢休尋覓雲臺麟閣俱陳跡  
元來只有閒難得青史功名天却無心惜

前調

黃機

藕花初發薰風庭院涼成霎碧紗金縷籠香雪記得年  
時心事凭闌說如今陡頓音書絕夜牕羞見團團月  
錦囊塵暗黃金玦留取多情歸趁好時節



前調

劉光祖

春風開者一時還共春風謝柳條送我今槐夏不飲香  
醪孤負人生也 曲塘泉細幽琴寫交牀滑簟應無價  
日遲睡起疎簾挂何不歸歟花竹秀而野

前調

梅

毛 玘

暮寒淒冽春風探繞南枝發更無人處增清絕冷蕊孤  
香竹外朦朧月 西洲昨夢憑誰說折殘刺憶經年別  
新愁悵望催華髮雀啁江頭一樹垂垂雪

前調

高觀國

鈎簾翠濕寒江上雨晴風急亂峰低處明殘日鴈字成  
行界破暮天碧故人天外長為客倚闌一望情何極  
新來得箇歸消息去掉回舟數過幾千隻

前調

史達祖

鴛鴦意愜空分付有情睂睫齊家蓮子黃金葉爭比秋  
苔鞞鳳幾番躡牆陰月白花重疊匆匆軟語屢驚怯  
宮香錦字將盈篋雨長新寒今夜夢魂接

前調

張榘

瑤姬妙格冰姿微帶露痕拆一般惱殺多情客風弄橫  
枝殘月半牕白孤山仙種曾移得結根久傍王猷宅  
欲賤心事呼雲翻為報年芳萍梗正南北

前調

沈端節

紅嬌翠弱春寒睡起慵勻掠些兒心事誰能學深院無  
人時有燕穿幕漏聲滴盡蓮花萼靜看月轉西闌角  
世情一任浮雲薄花與東君却解慰流落

前調

吳文英

春雲紅玉織衣學翦嬌鴉綠夜香燒短銀屏燭偷擲金  
錢重把寸心卜翠深不礙鴛鴦宿採菱誰記當時曲  
青山南畔紅雲北一葉波心明滅澹妝束

前調

送洪仲魯  
之江西

周密

寒侵徑葉鴈飛擊碎珊瑚屑涼閒試霜晴帖頌菊騷  
蘭秋事正奇絕故人又作江西別畫樓虛度中秋節  
碧闌倚徧誰人說愁是新愁月是舊時月

前調

擬參  
海

周 密

憶憶憶官羅摺摺銷紅色吹花有盡情無極淚滴空  
簾香潤柳枝濕 春愁浩蕩湘波窄紅蘭夢繞江南北  
燕鶯都是東風客移盡庭陰風老杏花白

前調

擬二  
隱

周 密

餘寒正怯金釵影却東風揭舞衣綠損愁千摺一縷楊  
絲猶是去年折 臨牕擁髻愁難說花庭一寸胭脂雪  
春花似舊心情別待摘玫瑰飛下粉黃蝶

前調

王沂孫

小牕銀燭輕鬟半擁釵橫玉數聲春調清真曲低拂朱  
簾殘影亂紅撲垂楊學畫蛾眉綠年年芳草迷金谷  
如今休把佳期卜一掬春情斜月杏花屋

前調

張炎

柳侵闌角畫簾風軟紅香落引人蝴蝶翻輕薄已自關  
情和夢近來惡眉梢輕把閒愁著如今愁重眉梢弱  
雙眉不畫愁消却不道愁痕來傍眼邊覺

前調

張炎

鏤花鐫葉滿枝風露和香擷引將芳思歸吟篋夢與魂  
消閒了弄香蝶 小樓簾捲歌聲歇幽篴獨處泉鳴咽  
錦箋空往愁難說畫角寒梅吹碎半江月

前調

石孝友

友鶯夢蝶尋花問柳深相結教春去後尋芳歇零落朋  
遊辜負好時節 眼邊愁緒多于髮迢迢一水通吳越  
舊歡新恨都休說坐暖殘紅沈醉碧天闊

前調

石孝友

空庭草積吹花風去春無跡鎖鸞深處應相憶紅染羅  
巾顰損着山碧曲屏塵暗雙灘鴻醉衾不暖爐煙濕  
一簾暝色人孤寂夢裏燈殘心上雨聲滴

前調

石孝友

紅嬌翠弱怨人珠淚頻偷落歸期莫負香牋約雨斷雲  
消總是初情薄夜深秋氣生簾幙半衾依舊空閒却  
故人何處孤舟泊兩岼秋聲一夜風濤惡



前調

薛夢桂

單衣乍著，殢寒更、傍東風作。珠簾壓定，銀鈎索雨，弄新晴輕旋。玉塵落。花脣巧借妝紅，約嬌羞暫放三分萼。尊前不用多評泊。春淺春深，都向杏梢覺。

前調

落花

王坊

翻空紅雨多隨春信紛紛去，萬千綠葉無情緒，連夜生新。占盡花開處。一霎辭根無定所，傷心今古成黃土。憐香只有鶯啼樹，似勸東風畧做些兒主。

前調

葛實甫  
見訪

陳繼儒

筓兒初出閉門愁見游人入是誰剝啄柴門急帶水拖  
泥花瓣埋雙屐 草堂幽靜桐陰碧定巢燕子曾相識  
酒槽紅弗珍珠滴不飲何為空笑髯如戟

前調

陳子龍

青樓繡甸韶華一半無人見海棠夢斷前春怨幾處垂  
楊不耐東風捲 飛花狼藉深深院滿簾風雨爐煙篆  
黃昏相對殘燈面聽徹三更玉枕敲將徧

夜遊宮

雙調五

十七字

夜遊宮

秦觀

何事東君又去滿空院落花飛絮巧燕呢喃向人語何  
曾解說伊家些子苦況是傷心緒念箇人久成睽阻  
一覺相思夢回處連宵雨更那堪聞杜宇

前調

賀鑄

湖上蘭舟暮發揚州夢斷燈明滅想見瓊花開似雪帽

簷香玉纖纖曾為折  
溪管吹還咽問何意煎人愁絕  
江北江南新念別掩芳尊與誰同今夜月

前調

陽春亭成  
因友寄鶴

毛滂

長記勞君送遠柳煙重桃花波暖花外溪城望不見古  
槐邊故人稀秋鬢晚 我有凌霄伴在何處山寒雲亂  
何不隨君弄清淺見伊時話陽春山數點

前調

周邦彥

客去車塵未斂空階暗雨苔千點月皎風清在處見奈

今宵照初弦吹一箭  
池曲河聲轉念歸計眼迷魂亂  
明日前邨更荒遠且開尊任紅鱗生酒面

前調

周邦彥

葉下斜陽照水捲輕浪沈沈千里橋上酸風射眸子立  
多時看黃昏燈火市 古屋寒牕底聽幾片井桐飛墜  
不戀單衾再三起有誰知為蕭娘書一紙

前調

周邦彥

一陣斜風橫雨溥衣潤新添金縷不謝鉛華更清素倚

筠牕弄么絃嬌欲語  
小閣橫香霧正年少小娥愁緒  
莫是栽花被花如甚春來病恹恹無會處

前調

呂渭老

半吐寒梅未拆雙魚沉水漸初結戶外明簾風任揭擁  
紅爐灑牕間惟積雪  
比去年時節這心事有人忺說  
斗帳重熏鴛被疊酒微醺管燈花今夜別

前調

句景  
亭

張孝祥

聽話危亭句景芳郊迴草長川永不待崇岡與峻嶺倚

闌干望無窮心已領  
萬事浮雲影最曠  
聞鷺靜  
好是炎天煙雨醒  
柳陰濃  
芰荷香風日冷

前調

方千里

城上昏煙四斂  
畫樓外陡聽更點  
千里相思夢中見恨  
年華逐東流  
隨急箭  
簾影參差轉  
夜初過  
水沉煙亂  
騰枕餘衾  
故人遠  
憶間牕  
彈雲鬢  
低粉面

前調

楊澤民

一葉翻然下水  
船頭轉已行千里  
冷落杯盤薦梅子又

經過嶺邊邨江上市 那更輕帆底一路上翠飄紅墜  
深夜方眠五更起說相思試揮毫還滿紙

前調

吳文英

春語鶯迷翠柳煙隔斷晴波遠岫寒壓重簾幔拖繡袖  
爐香倩東風與吹透 花信催時候舊相思偏供閒晝  
春澹情濃半中酒玉痕消似梅花更清瘦

前調

吳文英

人去西樓鴈杳敘別夢揚州一覺雲澹星疎楚山曉聽



啼烏立河橋話未了  
雨外蛩聲早細織就霜絲多少  
說與蕭娘未知道向長安對秋燈令人老

御選歷代詩餘卷三十四